


Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspekcijske
poslove



Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: 14-02-04-01403/20
Sarajevo, Maj 13. 2020. godine

SKUPŠTINA KANTONA SARAJEVO
(Na pažnju, predsjedavajućeg, Mirze Čelika)

PREDMET: *Odgovor na zastupničko pitanje Neire Dizdarević broj: 01-04-10308-34/20 od 23.04.2020. godine – dostavlja se;*

Kantonalna uprava za inspekcijske poslove Kantona Sarajevo, dana 12.05.2020. godine, zaprimila je akt Ministarstva pravde i uprave Kantona Sarajevo broj: 03-04-02-10308/20 od 06.05.2020. godine, kojim na dalje postupanje dostavlja zastupničko pitanje postavljeno od strane zastupnice Neire Dizdarević na 24. Radnoj sjednici Skupštine Kantona Sarajevo, održanoj dana 23.04.2020. godine, u okviru tačke Dnevnog reda "Poslanička /zastupnička pitanja, inicijative i odgovori" a koje glasi:

" U odgovoru Kantonalne uprave za inspekcijske poslove broj 14-02-04-01403/20 od 26.03.2020. godine na moj zahtjev kojem je prethodilo interesovanje građana o dostavi spiska pravnih lica kod kojih je inspekcijskim nadzorom utvrđeno odstupanje kvaliteta usitnjenog i oblikovanog mesa u odnosu na zahtjeve iz Pravilnika , dobila sam odgovor da je u skladu sa članom 25. Zakona o inspekcijama Kantona Sarajevo ("Sl.novine Kantona Sarajevo" broj 2/17) određeno čuvanje službene i druge tajne, odnosno da je inspektor dužan čuvati službenu i svaku drugu tajnu sa kojom se upozna u vršenju inspekcijskog nadzora, inspektor je dužan čuvati tajnost prijave i druge



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

informacije koje se tiču inspeksijskog nadzora što uključuje i dokumentaciju, dokaze i podatke utvrđene ili nastale u inspeksijskom nadzoru.

Napominjem da sam , kako u ovom tako i u prethodnom mandatu zajedno sa ostalim kolegama zastupnicima dobijala ovakve informacije o provedenim nadzorima sa podacima iz nadzora, pa se postavlja pitanje promjene prakse.

Molim pojašnjenje o ovoj praksi, gdje sam kao zastupnica i predstavnik građana u zakonodavnom tijelu onemogućena da tražim podatke o nadzorima i na taj način kontrolišem u ime građana postupanje inspektora u pojedinačnim slučajevima nadzora, jer na kraju kao zastupnica razmatram i godišnje izvještaje KUIP-a.

Skrećem pažnju da informaciju koja je službena tajna nisam namjeravala dati u javnost.

Prema Zakonu o zaštiti tajnih podataka BiH kao zastupnica kantonalnog zakonodavnog tijela imam pravo na podatke koje se odnose čak na javnu sigurnost , odbranu, vanjske poslove, kao i to bez prethodne saglasnosti provjere i dozvole, stoga me čudi da ne mogu imati pristup podacima iz jednog inspeksijskog nadzora, te stoga molim pojašnjenje. "

Cijeneci odredbe člana 108. Zakona o inspekcijama Kantona Sarajevo, kojim je regulisano da pružanje savjetodavnih mišljenja u vezi pravilne primjene Zakona o inspekcijama Kantona Sarajevo vrši Kantonalna uprava za inspeksijske poslove Kantona Sarajevo, Ministarstvo pravde i uprave Kantona Sarajevo je zastupničko pitanje na dalje postupanje prosljedila ovom organu, pa u vezi s istim dajemo slijedeći

ODGOVOR :

Postupajući u skladu sa ovlaštenjima iz člana 108. Zakona o inspekcijama Kantona Sarajevo, kao organ nadležan za pružanje savjetodavnih mišljenja u vezi pravilne primjene naprijed navedenog zakona, ponovo ističemo da predmetnim službenim kontrolama nije utvrđena sumnja da bi hrana mogla predstavljati rizik za zdravlje ljudi u slučaju kada bi bilo opravdano informisati javnost u skladu sa članom 10. Zakona o hrani ("Sl.glasnik BiH" broj 50/04) već su postojale indicije da proces proizvodnje i kontrolni procesi i mehanizmi proizvođača u vrijeme proizvodnje i izrade pojedinih pretraženih proizvoda tehnološki nije bio pod kontrolom, što je rezultiralo odstupanjem u fizikalno-hemijskim svojstvima, odnosno u sadržaju proteina, kolagena i/ili masti u ispitanim uzorcima , kod slijedećih subjekata nadzora

1. AEMS d.o.o.
2. Bajra d.o.o.
3. Bingo d.o.o.
4. Brojler d.o.o.
5. Brovis d.d.
6. Company Jusf bej d.o.o.
7. Daytom export-import d.o.o.
8. Madi d.o.o.
9. Mercator BH d.o.o.
10. Mujanić d.o.o.
11. Mujanić Adi d.o.o.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

12. Mujanovići d.o.o.
13. Njam-njam d.o.o.
14. Konzum d.o.o.
15. IM Semić d.o.o.
16. IM Semko d.o.o.
17. PTD export – import ESSO d.o.o.
18. Vimar groupe d.o.o.
19. Vimes d.o.o

Napominjemo da adrese sjedišta subjekata nadzora nismo navodili iz razloga što je većina kontrolisanih subjekata registrovana u drugim kantonima, a nadzor je vršen u maloprodajnim objektima na području Kantona Sarajevo.

Kod kontrolisanih subjekata u kontrolnom inspeksijskom nadzoru, konstatovano je da su nepravilnosti otklonjene uz ponovljeno laboratorijsko ispitivanje sa zadovoljavajućim rezultatima ispitivanja.

S poštovanjem,

Dostavlja se:

1. Predsjedavajući Skupštine KS
2. Sekretar Skupštine KS
3. Sekretar Vlade KS
4. a/a



DIREKTOR
Fahir Halilović
Fahir Halilović



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb